

广东通志

广东通志

廣東通志卷二百八十二

甲子重刊

列傳十五 廣州十一

林承芳

王學會

姚文寬

文粹
文泮

光虞

盧龍雲

崔振泉

林志孟

黃應明

謝祝

尹守衡

弟守禮

劉景辰

何熊祥

盧崇勳

曾受益

郭尙敬

尹遂祈

子體震

霍騰蛟

鄭士熙

馮奕垣

陳鼎

鄧雲霄

羅應許

關驥

吳綱

梁斗輝

陳錫爵

何功右

歐陽暉

潘禹謨

郭尚賓

黃儒炳

李待問

孝問
陞問

敬問

毛可珍

以上
明

明

林承芳字文峯三水人

三水志
字開先

祖鍾正德己卯以

高要學中式嘉靖進士官安慶知府承芳幼穎悟

工詩文精翰墨中萬厯癸酉鄉薦丙戌進士廷試

奏策纚纚萬言皆經濟實學已定第一人因錯一字遂置二甲第一授翰林院編修受知神廟命書中極殿額甚嘉賞之未幾以名高見妬左遷江西參議歸怡情山水遇景輒吟詠所著有文峯集竹

牕存稿

金志

重刻十三經序今上登極之十二年大司成某上疏曰士所貴通經學古惟十三經註疏故未鐫於學宮士或不得考覽非所以尊經右文廣厲學官之業也臣等請率屬訂校奏上幸下大司空給資鐫之太學斯亦明經造士之助制曰可於是下大司空給資授鐫如所請既訖工命

臣某序其端臣謹拜手序曰夫士惟上意所嚮則竭蹶而趨之茲上不以經術望士哉古者士得觀於全經之難也然猶歛關而請編蒲而識乃今得坐而卒業焉士所不象上之指專精趨學者非夫也天下自茲彬彬多經術之士矣然國家以宋儒傳注取士今舍而取於漢者何也夫宋固撫乎漢者也博乎漢而後知宋之原也自漢儒傳訓詁宋儒因而釋其義夫義主理理吾心所固有者也卽微宋儒吾得而以心逆之也訓詁非得焉則譬之重譯之人聽中國之言語徒瞠其目相視而不相通也微漢儒爲之譯

宋亦安所譯其義哉且也儒者之不能盡窺聖人之奧義將使人膠其說而不復深探聖人之旨則不若第傳其訓詁人人得自以心而逆聖人之意可也漢之去聖人也未遠其說猶或有所受顧安得執宋之說以廢漢夫聖人之意不能畢規則盡其說經者而存之以待後之聖人聖人之經有時乎明也斯固皇上加惠庶士之意也然則士何如致力哉臣觀漢初諸臣引爲經說多離而少合然往往能樹俊偉之業迄今可稱誦乃其後辨析精微曾不覩其勛伐云豈所謂窮經致用者非耶則以我用經與以經傳

我者異也繼自今治是書者能優游自得味道之腴則大善卽不然如古所稱治官蒞民皆有廉節稱其好學庶幾哉猶可以無愧脫若曲學阿世自矜稽古之榮至使人謂十三經掃地則上意謂何臣不佞願與學士大夫交儆焉文海

謹案承芳爲編修時國子監重刻十三經註疏大司成屬承芳作序持論平允傳古信今之作也

王學會字唯吾南海人萬厯四年丙子賢書五年丁丑進士授醴陵知縣俗豪橫翫法以三尺繩之境內肅清調崇陽均土田平徭役隆學校縣稱大

治

南海志

擢南京御史時吏民有罪輒遣官校逮捕

學會疏請止之不納

明史本傳

嘗疏救言官孟一脉等

糾劾弗避權貴

南海志

十三年慈寧宮成諸督工內

侍俱廕錦衣學會論其太濫且劾工部尙書楊兆

諛諂中官兆惶恐引罪已言龍江關密邇蕪湖蕪

湖已徵稅龍江不宜復徵格不行光山牛產一犢

若麟有司欲以聞巡撫臧惟一不可帝命禮部徵

之尙書沈理諫惟一亦疏論不聽學會抗言麟生

牛腹次日卽斃則祥者已不祥矣不祥之物所司

未嘗上聞陛下何以聞之母亦左右小人以奇怪

惑聖心也今四方災旱老稚流離啼饑號寒之聲

陛下不聞宗室貧窮饗餐弗給愁困涕洟之態陛下不聞而獨已斃之麟聞彼爲左右者豈誠忠於陛下乎願收還成命內臣語涉邪妄者卽嚴斥之帝責其要名沽直降興國判官時御史蔡時鼎亦以言獲罪南京御史王藩臣給事中王嗣美等交章救兩人帝怒奪俸一級學會累遷南京刑部主事召爲光祿丞與少卿涂杰合疏爭三王並封忤旨皆削籍後數年吏部尙書蔡國珍疏請起用不納

明史

學會歸闕飛雲洞奉母二十載偕御史區大倫輩倡明道學撫臬聘修省乘及南番兩邑乘鑒裁有體咸稱信史推銀臺參議不報旋卒于家學

曾忠孝友愛置嘗田設義塚邑中凡大議大事靡
不力請當事助成之如建海鰲寺塔浚復太平濠
尤爲闔省之利祀鄉賢泰昌紀元卹錄先朝舊臣
降詔褒嘉贈太僕寺少卿賜祭一壇所著有入楚
吟疏草壬癸存草山中約言西遊草五羊約法飛

雲等集

南海志

姚文寬字裕夫別號東臯南海人父經有隱德文
寬幼穎悟強記壯從父遊廣右所過佳山水多題
咏與同志爲蘭亭詩社天性孝友執父喪哀毀特
甚歲時祭享輒泣下與弟文貫文粹文暢同居合
爨斗粟尺帛不以私諸弟或爲好訟者所齟齬必

力爲直之臨事變膽畧過人嘗次烏灘遇蠻兵舟人皆懼亡匿文寬挺身理論焉衆驚歎解去弟文粹字純夫號蠕山師事黃文裕雅見許可嘗疏鍾律萬餘言佐嘉興之爲詩俊逸不規規字句爲工蓄古圖籍甚富以分授諸子姪時爲講說義理兄子光虞光南光泮相繼掇科第文粹誨誘爲多嘉靖己酉將踰嶺游豫章疾作而返卒無子以光泮爲嗣

粵大記

光虞字繼如少從黃佐講學潛心稽古

登嘉靖乙卯榜授宜山學官陞南京翰林院孔目淡薄自安七年乃遷都察院都事尋轉經歷贊臺政請託豪不得八風采肅然秩滿擢守慶遠教民

開墾耕種以益國課廣設鄉校冀變蠻俗境內嚮
風土司餽遺皆却之人服其介萬厯壬辰覲還卒
于徐州四世同居百口無間人尤敬之生平好詞
賦著有玉亭薊門西遊諸稿藏於家

明詩綜

光泮字

繼昭嘉靖辛酉鄉薦乙丑進士授行人擢南京山
西道御史諳練時務侃侃直節進議謁孝陵儀式
帝嘉納之巨商韓嘉言爲權貴誣以窩盜輦金數
萬賄當路光泮特疏糾之盡白其狀奉嚴旨勘問
諸大吏受賄得實悉罷斥以是中忌出爲泉州守
泉稱難治甫下車卽廉得一二巨奸繩以法豪猾
斂戢均賦役寬逋負建文廟卹孤寒懲吏胥民畏

而愛之時有武弁於惠安海上獲徒黨百餘人實
漳泉商賈也當事欲文致以盜法爲功賞地光泮
知其冤曰柰何以人命爲利媒乎當事領之未幾
報罷解組歸闕郭西荒畦構堂榭結社賦詩相國

史繼偕顏曰亦自丹邱

南海志

盧龍雲字少從南海人生有異徵幼穎悟萬厯丙
子舉於鄉癸未成進士授馬平知縣清兼併汰浮
冗田賦獲免二千餘石補邯鄲令復補長樂邑多
豪猾且歲苦洪潦龍雲創濬陳唐港圳抵海三千
餘丈疏導濱湖巖湖七十二洋總流以性鯁直不
能俯仰權要遂左遷江右藩幕直指馮聞其才名

聘往分考名士盡出其門尋轉南廷尉晉戶部員

外郎出權楊州陞貴州參議

貴州通志云分守新鎮

時苗衆

猖獗下車卽訪苗情條其款要於中丞恩威並及
懾服有法往來嶮峒力瘁成病遂不起中丞疏功
奉旨有白金文綺之賜所著有四畱堂稿尙論全
篇易經補義談詩類要諸書祀鄉賢

同上

崔振泉號淑寰番禺人萬厯丙子鄉薦初知懷遠

令

番禺志

調任象山政平訟簡不事苛察小民戴若

慈母值海上戒嚴訓練士著葺除戎具立辦勁弩
千餘分給守陣者躬自賈勇爲士卒先孤城恃以

無恐

浙江通志

厯官襄府審理

番禺志

林志孟字淑之號韋銘順德人幼穎異能文髫齡
登萬厯己卯賢書癸未乙榜授進賢教諭分校棘
闈所取翰林學士吳士元禮部侍郎李光元兵部
尚書熊明遇皆其門下一時稱得人尋陞廣西荔
波疑是荔浦知縣築城修學興利除害風俗丕變士民

繪像尸祝三臺交薦調繁昭平立殲積年巨寇內
艱服闋補浙江建德令政簡刑清以卓異陞戶部
主事爲忌者所中遂拂衣歸崇祀名宦勒石建祠
家居四載卒著有疏議數卷及留餘集行世子孫
能守其業邑令表其門曰世德成家

金志

黃應明字公兆東莞人萬厯己卯舉人爲奉化令

甫至邑出諭俗十五章勸民從化訟至立折吏胥

無從索一錢持半日糧卽得平反時有黃半仙之

謠鄰邑權貴以訛法事囑峻拒之爲所陰中竟以

調去仕終漢陽別駕

浙江通志

謝貺字崇勲東莞人萬厯己卯舉人以乙榜任道

州學正學問該博操履清慎門牆之下褒賢勵不

肖毫無所私

湖南通志

分校南北闡遷知富川廉明有

聲量移建昌通判攝廣昌縣屢辨冤獄歸田後足

跡不至城府著有誠正堂集經世考藝文輯畧

廣州

府志

尹守衡字用平東莞人年十六補諸生督府行縣